

西安府志第十五

食貨志中 經費 課程

經費

漢

晉食貨志永初三年天下水旱以用度不足三公奏請令

吏民入錢穀得爲關內侯

唐

食貨志高祖武德初京司及州縣皆有公廨田供公私之

費其後以用度不足京官有俸賜而已冊府元龜高祖平

京師傾府藏以賜勳人既患國用不足太原人劉義節進

計曰今義師數十萬並在長安樵貴而布帛賤若伐街衢

西安府志卷十五

及苑中之樹爲樵以易布帛歲取數萬匹可立致也又藏

內繒絹疋皆有餘軸之使申裁取剩物以糶雜費動盈十

餘萬段矣從之大收其利

食貨志貞觀初以地租春秋給京官歲五十萬一千五百

餘斛十八年以京兆府岐同華邠坊州隴地陂澤可墾者

復給京官職田二十二年置京諸司公廨本錢捉以令史

府史胥史永徽元年廢之以天下租脚直爲京官俸

食貨志永徽中置公廨本錢以典史主之收贏十之七以

供佐史以下不賦粟者常食餘爲百官俸料京兆等府錢

三百八十萬京兆等府京縣一百四十三萬畿縣八十二

萬五千



食貨志光宅元年以京官八品九品錢簿詔八品歲給
僕三八九品二人

食貨志開元十八年復給京官職田二十九年以京畿地
狹計丁給田猶不足於是分諸司官在都者給職田於都
畿以京師地給貧民

食貨志六典太倉令凡京官之祿發京倉以給

食貨志乾元元年京官給手力課上元元年復令京官職
田以時輸送受加耗者以枉法贓論其後籍爲軍糧

食貨志永泰元年分天下財賦置二使京畿關內以京兆
尹判度支第五琦領之取州縣官及折衝府官苗子三之
一市輕貨以賑京官大歷二年復給京兆府及畿縣官職

西京府志卷十五

二

田以三之一供軍饌

食貨志戶部侍郎趙贇判度支行借錢令約罷兵乃償之
京兆尹韋貞長安丞薛萃搜督甚峻民不勝其寃然總京
師豪人田宅奴婢之估裁得八十萬緡減百官料錢以助
軍

冊府元龜貞元元年自春大旱度支奏京師經費及關內
外征討士馬月須米鹽五十三萬石錢六十萬貫草三百
八十三萬圍春冬衣賜元日冬至立仗賜物不在其中時
漕江東租賦百餘萬貫在江陵度支主吏宋棲桐無部置
遇火焚之國用益空關中百姓蒸蝗去翅足食之人心大

食貨志閩輔宿兵以永豐倉米給禁中三年李泌爲相增百官及畿內官月俸復置手力資課歲給錢六十一萬六千餘緡泌以度支有兩稅錢鹽鐵使有筦權錢可以擬經費中外給用每貫墊二十號戶部除陌錢復有闕官俸料職田錢積戶部號戶部別貯錢御史中丞專掌之皆以給京官歲費不及五十五萬緡京兆和糴度支給諸軍冬衣亦徃徃取之

文獻通考初德宗居奉天儲蓄空窘嘗遣卒視賊以苦寒乞襦不能致剔親王帶金鬻之朱泚旣平乃屬意聚歛常賦之外進奉不息

食貨志元和中祠祭蕃夷賜宴別設皆長安萬年人吏主

辦二縣置本錢配納質積戶收息以供費

百官志比部京師倉庫三日一比諸司諸使京都四時勾會於尙書省以後季勾前季

冊府元龜長慶四年五月勅近日訪聞京城米價稍貴須有通變以便公私宜令戶部應給百官俸料其中一半合給匹段者迴給官中所糴粟每斛折錢五十文其匹段委別收貯至冬糴粟填納大倉時以爲便

冊府元龜開成元年正月詔京兆府一年所支用錢物斛斗草等並勒鹽鐵使以開成元年直進綾絹充還辛酉鹽鐵使左僕射令狐楚請以罷修曲江亭子絹一萬三千七百匹迴修尙書省

續文獻通考憲宗七年命劉太平等會計京兆財賦大加鈎考其貧不能輸者帝爲代償之

明

會典永樂元年令陝西布政按察司官俸米鈔兼支及所屬府州縣等官俸全支鈔者俱仍舊令陝西各府州縣教官生員俸糧俱米鈔中半兼支

會典成化十三年令陝西三司並衛所首領及府州縣等官五品以上二入兼支六品以下三七兼支不穀二石者照舊支本色又令延綏巡撫官照甘肅例出巡每日支廩給米五升在倉支五升回日通在倉支一斗

西寧府志卷五

四

續文獻通考隆慶元年詔陝西織絨遵奉遺詔旣已停止其原行徵辦織造採買銀兩通應解部

按西安府屬州縣各項經費

本朝悉行均入地丁錢糧徵收存留各屬按照歲時支放課程

秦

二世本紀少府注漢百官表少府秦官應劭曰掌山澤陂池之稅名曰禁錢以給私養自別爲臧少者小也

漢

食貨志王莽居攝於長安及五都立五均官更名長安東西市東市稱京西市稱畿工商能採金銀銅錫登龜取貝

者皆自占司市錢府順時氣而取之諸取衆物鳥獸魚鱉百蟲於山林水澤及畜牧者嬪婦桑蠶織紉紡績補縫工匠醫巫卜祝及他方技商販賈人坐肆列里區謁舍皆各自占所爲於其所所在之縣官除其本計其利十一分之一而以其一爲貢敢不自占占不以實盡沒入所採取

晉

苻堅載記永興中開山澤之利公私共之

姚興載記宏始中以國用不足增關津之稅鹽竹山水皆有賦焉羣臣咸諫以爲天殖品物以養羣生王者子育萬邦不宜節約以奪其利興曰能踰關梁通利於山水者皆豪富之家吾損有餘以裨不足有何不可

唐

西安府志卷十五

五

高祖紀武德二年以穀貴禁關內屠沽冊府元龜閏二月詔酒醪之用表節制於歡娛芻豢之滋致肥甘於豐衍然而沉湎之輩絕業亡資惰窳之民騁嗜奔欲方今烽燧尙警兵革未寧年數不登市肆騰踊趨末者衆浮冗尙多羞趨藁重增其費救弊之術要在權宜關內諸州官民具斷屠沽

食貨志乾元元年京師酒貴肅宗以廩食方屈乃禁京城酤酒期以麥熟如初

食貨志建中三年以京師四方所奏罷榷冊府元龜閏正月朔榷酒天下悉令官釀斛受直一千米雖賤不得減二

千委州縣綜領餉簿私釀罪有差以京師王者都特免其
權

食貨志京兆尹韋貞取儻橫納質錢及粟麥糶於市者
取其一長安爲罷市市民相率遮邀宰相哭訴盧杞疾
而過韋貞懼乃請錢不及百緡粟麥不及五十斛者免而
所獲裁二百萬緡趙贊請諸道津會置吏閱商賈錢每緡
稅二十竹木茶漆稅十之一復請稅間架筭除陌及涇
兵反大噉長安市中口不奪爾商戶儻質不稅爾間架除
陌矣於是間架除陌竹木漆鐵之稅皆罷貞元二年復禁
京城畿縣酤酒

冊府元龜建中初十二月度支請於京城及畿縣權酒之

法每斛權一百五十其酒戶並蠲免差役從之

食貨志元和六年罷京師酤肆文獻通考京兆府奏權酒
錢除出正酒戶外一切隨兩稅青苗錢據貫均率從之

食貨志太和八年罷京師權酤冊府元龜二月詔京邑之
內本無權酤屬貞元用兵之後費用稍廣始定店戶等第
令辦納權况萬方所聚私釀至多禁令旣不可施權利自
無所入徒立課額殊非惠人其長安萬年兩縣見徵權酒
錢一萬五千一十貫八百文若先欠者並宜放免其權酒
錢今亦宜停

食貨志昭宗世以用度不足易京畿邊鎮麴法復權酒以
贍軍鳳翔節度使李茂貞方顯其利拔兵入奏利害天子

遽罷之

宋

文獻通考熙寧十年以前商稅歲額五萬貫以上京兆十二務三萬貫以下耀九務酒課二十萬貫以上京兆二十三務五萬貫以上耀五務

元

世祖紀至元三年六月申嚴陝西竹禁陝西課程歲辦萬九千錠

食貨志竹之所產在陝西者京兆有在官竹園國初立司竹監掌之每歲令稅課所官以時採斫定其價爲三等易於民間至元四年始命制國用使司印造竹引凡發賣皆給引世祖紀十八年京兆等路歲辦課額自萬九千錠增至五萬四千錠食貨志二十年命陝西竹課提領司差官於輝懷辦課

成宗紀大德五年三月罷陝西路拘權課稅所

食貨志天歷元年竹課奉元路三千七百四十錠三兩六錢

明

會典初設陝西稅課司局西安府稅課司三原縣稅課局馬志嘉靖初西安府商稅課程鈔折銀二千三百二十四兩三錢二分

續文獻通考萬歷十年題准裁革咸陽縣皮布稅

資政錄長安縣額外課程所辦銀二十兩九錢二分遇開加一

兩七錢四分地稅買房地業七十九兩六錢八分九釐當

稅當商所辦一百九十兩牙稅牙行四十六兩六錢一分畜稅

買驛馬所辦四十一兩四分

資政錄咸寧縣額外課程銀三十七兩六錢五分遇開加

錢三分七釐地稅二百三十九兩九錢一分三釐當稅六百

四十兩牙稅八十五兩九錢畜稅五十二兩三錢二分六釐

資政錄咸陽縣額外課程銀二十一兩四錢二分六毫遇

加一兩七錢八分地稅一百四十三兩三錢九分七釐當稅

一百兩牙稅三十二兩五分四釐畜稅六十五兩八錢八

分一釐筏稅八百四十六兩一錢一分八釐

資政錄興平縣額外課程銀三十四兩五錢遇開加二兩

地稅二百二十八兩一錢三分二釐當稅八十五兩牙

稅二十五兩一錢畜稅三百三十三兩二錢七分

資政錄臨潼縣額外課程銀三十八兩四錢四分遇開加

錢三釐地稅一百六十一兩四錢當稅三百五十五兩牙

稅四十五兩九錢九分一釐畜稅一百一十五兩五錢三

分資政錄高陵縣額外課程銀二十六兩二錢八分遇開加

錢九分地稅一百五兩當稅五十兩牙稅二十二兩八錢七

分畜稅二十二兩八錢

資政錄 鄜縣額外課程銀十九兩九錢三分 遇閏加一兩六錢六分八毫

地稅七十二兩六分當稅一百四十五兩牙稅四十一

兩一錢畜稅一百二十兩一錢五分

資政錄 藍田縣額外課程銀八兩五錢二分 遇閏加七錢一分 地

稅二百二十七兩四分一分八釐當稅七十五兩牙稅一

十二兩六分畜稅六十一兩九錢八分

資政錄 涇陽縣額外課程銀二十二兩一錢六分 遇閏加一兩八錢四分六釐

地稅二百八十八兩三分六釐當稅一百九

五兩牙稅九十七兩三錢畜稅四百二十一兩九錢五分

資政錄 三原縣額外課程銀三十四兩二錢七分 遇閏加二兩八

西府志卷十五

九

錢五分五釐 地稅二百一十二兩四錢三分三釐當稅二百

九十五兩牙稅四十五兩畜稅二百三兩八錢五分

資政錄 盩厔縣額外課程銀三十一兩八錢六分 遇閏加二兩六錢五分

地稅一百九十二兩九錢三分當稅一百四十五

兩牙稅三十二兩三錢九分五釐畜稅六十三兩七錢五

分

資政錄 渭南縣額外課程銀九十六兩一錢 遇閏加八兩八釐三毫

地稅一百一十五兩三錢五分九釐當稅二百九十兩牙

稅六十一兩四錢畜稅四百五十七兩八錢三分

資政錄 富平縣額外課程銀五十五兩三錢七分 遇閏加四兩六錢一分四釐

地稅一百三十六兩八分六釐當稅五百六十

五兩牙稅五十二兩六錢一釐畜稅八十一兩八錢四分

資政錄醴泉縣額外課程銀一十一兩三錢二分

遇閏九錢

分三釐地稅七十一兩六錢四分當稅一百五十五兩牙

稅五十四兩四錢畜稅五十八兩六錢五分

資政錄同官縣額外課程銀二十二兩八錢七分

遇閏一兩九

錢五釐地稅一十六兩七錢三分一釐當稅一十兩牙稅

一十九兩五錢畜稅二十八兩七錢一分當稅二兩四錢

資政錄耀州額外課程銀一十一兩六分

遇閏加九錢二分一釐六毫

地稅八兩五錢八分當稅一十兩牙稅八兩畜稅一十二

兩四錢八分

按西安府州縣屬課程均據乾隆四十四年賦役全書

所載編入

西安府志卷第十六

食貨志中 鹽錢 茶馬

鹽錢

秦

漢食貨志鹽鐵之利二十倍於古

漢

宣帝紀蓮勺縣有鹽池縱橫十餘里其鄉人名爲鹵中

平準書大農上鹽鐵丞孔僅咸陽言山海天地之藏皆宜屬少府陛下不私以屬大農佐賦願募民自給費因官器作者鹽官與牢盆浮食奇民欲擅管山海之貨以致富羨役利細民其沮事之議不可勝聽敢私鑄鐵器煮鹽者鈇左趾沒入其器物

要府志卷十六

晉食貨志建安初關中百姓流入荊州者十餘萬家及關本土安寧皆企望思歸而無以自業於是衛顛議鹽者國之大寶自喪亂以來放散今宜如舊置使者監賣以其直益市犂牛百姓歸者以供給之勤耕積粟以豐殖關中遠者聞之必多競還於是魏武遣謁者僕射監鹽官移司隸校尉居宏農流人果還關中豐實

魏

晉食貨志嘉平四年關中饑宣帝表興京兆鹽池以益軍

實

唐

地理志富平櫟陽並有鹽澤

食貨志鹽池皆隸度支蒲州安邑解縣有池五總曰兩池
歲得鹽萬斛以供京師

冊府元龜永貞元年度支奏久雨車輦不通京師鹽貴請
糶出貯庫鹽二萬石

宋

河東鹽法志至道中京兆食解州潁末鹽皆以五觔爲斗
潁鹽之直每觔自四十四至三十四錢有三等

食貨志咸平以來聽商人輦鹽貿易官爲下其價予之

食貨志慶歷二年禁永興耀州軍商鹽官自輦運以衙前
王之

要府志卷十六

二

食貨志慶歷八年以范祥爲陝西提點刑獄兼制置解鹽
事祥卒轉運副使薛向繼之向請卽永興軍置賣鹽場又
以邊費錢十萬緡儲永興軍爲鹽鈔本繼又增二十萬

食貨志熙寧七年令秦鳳永興鹽鈔歲以百八十萬爲額
食貨志崇寧四年詔陝西舊鈔易東南末鹽每百緡用見
錢三分舊鈔七分

金

續文獻通考天定二十五年令解鹽行陝西

食貨志貞祐四年烏古論慶壽上言鹽乃官物有司監運
至河復以舟達京兆鳳翔以與商人貿易而陝西行部

石復邀糶二斗是官物而自糶也乞彼此一聽民便

私皆濟從之

元

食貨志中統二年立陝西轉運司仍置解鹽司於路村
食貨志至元二十九年減大都鹽課一萬引入京兆鹽司
添辦是年五革京兆鹽司一止存鹽運司

明

河東鹽法志洪武間河東行鹽地方屬陝西者四府西安
其一

會典嘉靖三十四年奏定陝西行鹽地方每鹽二百觔爲
一引每引收銀四錢五分於年終彙解花馬池管糧衙門
交收備防秋兵馬支用

本朝

通志西安府屬食解池鹽

通志西安府屬歲額銷河東引五萬八千二百零二道內
額引長安六千八百十一道咸寧七千八百五十七道咸
陽二千二百七十八道興平二千道臨潼三千八百道高
陵一千七百五十五道鄠縣一千七百四十二道藍田三
千六十道涇陽五千六百三十四道三原三千五百道整
屋三千四百七十五道渭南七千二百六十五道富平五
千二百三十六道醴泉二千六百道同官三百五十道耀
州八百三十九道商領商繳

通志西安府屬分輸課額銀歲二萬四千四十一兩零四

內額課長安二千八百十三兩三錢六分一釐咸寧
千二百四十五兩四錢二分四釐咸陽九百四十九兩九錢
五分四釐興平八百二十六兩一錢二分三釐臨潼一千
五百六十九兩六錢三分三釐高陵七百二十四兩九錢
二分二釐鄜縣七百一十九兩五錢五分三釐藍田壹千
二百六十三兩九錢六分三釐涇陽二千三百二十七兩
一錢八分八釐三原一千四百四十五兩七錢一分五釐
藍屋一千四百三十五兩三錢八分八釐渭南三千兩八
錢九分一釐富平二千一百六十二兩七錢九分醴泉一
千七十三兩九錢五分九釐同官一百四十四兩五錢七
分一釐耀州三百四十六兩五錢五分八釐

已上
監法

西安府志卷六

四

周

漢食貨志太公立九府圜法錢圓函方輕重以銖

秦本紀惠文王立二年初行錢

秦

平準書秦中一國之幣爲三等黃金以鑑名爲上幣銅錢
識曰半兩重如其文爲下幣

漢

平準書興爲秦錢重難用更令民鑄錢注食貨志曰鑄莢

錢索隱秦錢半兩徑寸二分重十二銖莢錢重三銖錢謂

文爲漢興

平準書漢興七十餘年府庫餘貨財京師之錢累巨萬貫

朽而不可校

平準書孝文時莢錢益多輕更鑄四銖錢其文爲半兩令民縱得自鑄錢

食貨志建元以來用少縣官徃徃卽多銅山而鑄錢民亦盜鑄不可勝數錢益多而輕有司言曰金有三等黃金爲上白金爲中赤金爲下今半兩錢法重四銖而姦或盜摩錢質而取銖錢益輕薄按注許慎云銖銅屑也摩錢漫面取其屑更以鑄錢乃更請鑄五銖錢周郭其實令不可摩

平準書禁苑有白鹿乃以白鹿皮方尺緣以藻纘爲皮幣直四十萬

平準書元鼎二年公卿請令京師鑄鐘官赤側一當五賦官用非赤側不得行注如淳曰以赤銅爲其郭也

西漢書卷十六

五

平準書悉禁郡國無鑄錢專令上林三官鑄錢令天下非三官錢不得行諸郡國前鑄錢皆廢銷輸其銅三官注漢書百官表水衡都尉武帝元鼎二年置掌上林苑屬官有上林均輸鐘官辦銅令然則上林三官其是此三令乎

食貨志元狩五年三官初鑄五銖錢至平帝元始中成錢二百八十億萬餘云

平準書初大農僦鹽鐵官布多置水衡欲以主鹽鐵及楊可告緡錢上林財物衆乃令水衡主上林上林充滿

食貨志桑宏羊爲大農幹天下鹽鐵請置大農部丞數十人分部主郡國各徃徃置均輸鹽鐵官令遠方以其物相

灌輸置平準於京師受天下委輸

汲黯傳汲黯爲右內史後免官隱於田園居數年嘗更五

銖錢民多盜鑄錢

按事在元符五年

義縱傳會五銖錢白金起民爲姦京師尤甚乃以義縱爲右內史

食貨志縣官以鹽鐵緡錢之故用稍饒矣益廣關置左右

輔

後漢

冊府元龜光武時長安鑄錢多奸巧京兆尹閻興署主簿

第五倫爲督鑄錢掾領長安市倫平銓衡民悅服時長安

市未有秩又鑄錢官奸宄所集無能整齊之興署倫督鑄

西府志卷十六

六

錢掾領長安市其後小人爭訟皆云第五掾所平市無姦

枉

晉食貨志獻帝作五銖錢有四道連於邊緣識者曰豈京

師破壞此錢復出也及董卓劫駕西幸長安悉壞五銖錢

盡取長安及洛陽銅人飛廉之屬以充鼓鑄時人以爲秦

始皇見長人於臨洮乃鑄銅人卓臨洮人也興毀不同南

訛相類董卓傳初平二年悉椎破銅人鐘簴及壞五銖錢

更鑄爲小錢大五分無文章肉好無輪郭不磨鑄於是貨

輕而物貴穀一斛至數十萬自是後錢貨不行

北魏

食貨志延昌三年春有司奏長安驪山有銀鑛二石得銀

七兩

北周

隋食貨志保定元年七月鑄布泉之錢

隋食貨志建德三年更鑄五行大布錢以一當十大收商估之利與布錢並行

隋食貨志建德四年以邊境人多盜鑄乃禁五行大布不得出入四關布泉之錢聽入而不聽出

隋

食貨志高祖受周禪鑄新錢背面肉好皆有周郭文曰五銖而重每錢一千重四觔二兩

食貨志開皇三年四月詔四面諸關各付百錢爲樣從關

要府志卷十六

七

外勘樣相似然後得過樣不同者卽壞以爲銅入官

食貨志開皇十年奸狡私鑄雜以錫錢乃下惡錢之禁京師邸肆立榜置樣不中樣者不入於市京師以惡錢貿易爲吏所執有死者數年之間私鑄頗息

唐

食貨志高祖入長安民間行綫環錢其製輕小八九萬纔滿半觔

食貨志武德四年鑄開元通寶徑八分重二銖四參積十錢重一兩得輕重大小之中通考高祖入關鑄開元通寶

其文給事中歐陽詢製書字八分篆隸三體其詞先上後

下次左後右迴環讀之其義亦通鄭虔會粹詢初進

日文德皇后搯一甲跡故錢上有搯文每兩二十四銖則一錢重二銖半以下古秤比今秤三之一也則今錢爲古秤之七銖以上古五銖則加重二銖以上

食貨志先天之際兩京錢益濫開元初宰相宋璟請禁惡錢行二銖四參錢毀舊錢不可用者

食貨志開元二十六年置錢監兩京用錢稍善其後錢又漸惡詔出銅所在置監鑄開元通寶錢京師庫藏皆滿天下盜鑄益起京師權豪歲取之

食貨志開元時兩京錢有鵝眼古文綫環之別每貫重不過三四觔至剪鐵而緡之李林甫請出絹布三百萬匹平估收錢物價踴貴誣者日萬人楊國忠欲招權以市恩揚鞭市門日行當復之明日詔復行舊錢

食貨志天寶十一載又出錢三十萬緡易兩市惡錢出左藏庫排斗錢許民易之國忠又言錢非鐵錫銅沙穿穴古文皆得用之是時增調農人鑄錢非所習內作判官韋倫請厚價募工由是役用減而鼓鑄多天下鑪九十九每鑪歲鑄錢三千三百緡

文獻通考乾元元年戶部侍郎第五琦以國用未足幣重貨輕乃請鑄乾元重寶錢徑一寸每緡重十觔以一當十與開元通寶參用及琦爲相又鑄重輪乾元錢一當五十每緡重十二觔與三品錢並行法旣屢易物價騰踴斗米至七千初有虛錢京師人人私鑄并小錢壞錢像犯禁者

愈衆鄭叔清爲京兆尹數月磅死者八百餘人上元元年減重輪錢以一當三十開元舊錢與乾元十當錢皆以一當十碾磴鬻受得爲實錢虛錢交易皆用十當錢由是錢有虛實之名

食貨志永泰二年分天下財賦鑄錢常平轉運鹽鐵置二使京畿關內以京兆尹判度支第五琦領之

食貨志永泰間諸道鹽鐵轉運使劉晏以江嶺諸州任土所出皆重粗賤弱之貨輸京師不足以供道路之直於是積之江淮易銅鉛薪炭廣鑄錢歲十餘萬緡輸京師

食貨志德宗相楊炎歲歛錢九百五十餘萬緡以供京師**食貨志**貞元初駱谷散關禁行人以一錢出者十年州縣

禁錢不出境商賈皆絕浙西觀察使李若初請通錢往來而京師商賈齋錢四方貿易不可勝計詔復禁之

食貨志憲宗以錢少復禁用銅器時商賈至京師委錢詣道進奏院及諸軍諸使富家以輕裝趨四方合券乃取之號飛錢京兆尹裴武請禁與商賈飛錢者搜索諸坊十人爲保

食貨志元和四年京師用錢緡少二十及有鉛錫錢者捕之非交易而錢行衢路者不問

舊書食貨志元和十二年四月勅泉貨之設古有常規將使輕重得宜是資歛散有節必通其變以利於人今繕帛轉賤公私俱弊宜出現錢五十萬貫令京兆府揀擇要貨

處開場依市價交易必使事堪經久法可通行又勅近日布帛轉輕見錢漸少皆緣所在壅塞不得流通宜令京城內自文武官僚不問品秩高下并公郡縣主中使等下至士庶商旅寺觀坊市所有私貯見錢並不得過五千貫如有過此限一月內市物收貯如錢數校多處置未了亦不得過兩月如有違犯白身人等宜付所司決杖處死其文武官及公主等並委有司聞奏當重科貶戚屬中使亦具名銜聞奏時京師里閭區肆所積多方鎮錢王鏐韓宏李惟簡少者不下五十萬貫於是競置第宅以變其錢多者竟里巷備儼以歸其直而高貲大賈多依倚左右軍官錢爲名府縣不得窮驗法竟不行

冊府元龜元和十四年六月勅應屬諸軍諸使有犯時用錢每貫除二十文足陌內欠錢有鉛錫者宜令京兆府榷項收禁牒報本軍本使府司看決二十

泉志武宗勅鑄錢之所各以本州郡名爲背文京兆府以京字在穿上藍田縣以藍字在穿右

食貨志淮南節度使李紳請天下以縣名鑄錢京師爲京錢大小徑寸如開元通寶交易禁用舊錢玉海會昌五年鑄開元錢節度使李紳請背加昌字以表年號

食貨志昭宗末京師用錢八百五十爲貫每百纔八十五

宋

食貨志陝西都轉運使張奎知永興軍范雍請鑄大銅錢

與小錢兼行大錢一當小錢十又請因晉州積鐵鑄小錢
及奎徙河東又鑄大鐵錢亦以一當十助關中軍費未幾
三司奏罷河東鑄大鐵錢而陝西復采儀州竹尖嶺黃銅
置博入濟監鑄大錢

天祿識餘文彥博知永興軍起居舍人毋混邠人也至和
中上言陝西鐵錢不便於民乞廢之其鄉人多知之爭以
鐵錢買物賣者不肯受長安爲之亂民多閉肆僚屬請禁
之彥博曰如此是愈使民間擾惑也乃召絲絹行人出其
家縑帛數百疋使賣之曰納其直者盡以鐵錢勿以銅錢
也於是衆知鐵錢不廢市肆復安

王鞏隨年雜錄陝西每銅錢一貫用鐵錢一貫三十文可

換後因常平司指揮諸州勿出銅錢諸司效之家家收蓄
銅錢輕用鐵錢由是錢賤而物加貴

徽宗紀建中靖國四年閏二月置陝西監鑄當二夾錫鐵
錢

食貨志崇寧二年許天啟爲陝西轉運副使請令以歲所
鑄小平錢增科改鑄當五大銅錢以聖宋通寶爲文
文獻通考崇寧二年初令陝西鑄折十銅錢並錫錢

食貨志靖康元年罷政和敕陝西路用銅錢斷徒二年配
千里法初蔡京主行夾錫錢詔鑄於陝西亦命轉運副使
許天啟推行其法以夾錫錢一折銅錢二每緡用銅八觔
黑錫半之白錫又半之

高宗紀紹興九年六月置錢引務於永興軍八月命陝西復行鐵錢

金

食貨志正隆二年十月括民間銅鑰器陝西者輸京兆海陵紀正隆三年二月京兆初置錢監食貨志京兆監一曰利用文曰正隆通寶輕重如宋小平錢而肉好過之與舊錢通用

食貨志大定元年命陝西路叅用宋舊鐵錢

食貨志泰和七年十一月命陝西路院務諸稅及諸科名錢並以鈔三分爲率一分納十貫例者二分五貫例者餘並收見錢

西安府志卷十六

十一

元

世祖紀至元二十四年十月立陝西寶鈔提舉司

順帝紀至正十八年二月中書省臣奏以陝西軍旅事劇京師道遠供費艱難請就陝西印造寶鈔爲便遂分戶部寶鈔庫管官置局印造

明

續文獻通考洪武二十六年各處鑪座錢數陝西三十九座

本朝

會典順治元年置寶泉局鑄順治通寶錢每文重一錢

按寶泉局陝西省舊設延綏鎮順治五年停止今置

通志順治二年總督孟喬芳題請西安原有錢法同知一員司鑄局宜令開鑄資軍需鑄錢每文重一錢二分每文准銀一分舊錢每十四文准銀一分

通志順治十年題准鑄造制錢背鑄一釐兩字陝西添陝

字

戶部則例康熙八年戶部具題各省鎮爐座先因錢賤於康熙元年奉

旨停止康熙六年復照舊鼓鑄康熙九年陝西撫臣疏稱停止後

復議開以補國用

會典康熙十九年差宮往陝西臨潼等處開採銀礦已上錢法

安府志卷十六

十一

按康熙二十二年復停陝西開採寶陝局率用滇銅其不足者於寧羌等處諸山開採增補乾隆四十年復以舊廠產銅不旺於略陽另開新廠銅舫優裕足資鼓鑄

茶馬

周

周禮夏官校人掌王馬之政辨六馬之屬種馬一物齊馬

一物道馬一物田馬一物駑馬一物凡頰良馬而養棄之

乘馬一師四圍三乘為阜阜一趣馬三阜為繫繫一馭夫

六繫為廐廐一僕夫六廐成校校有左右駑馬三良馬之

數麗馬一圉八麗一師按八皆為六字之誤八師一趣馬八趣馬一

馭夫趣馬掌贊正良馬而齊其飲食簡其六節巫馬掌贊

疾馬而乘治之牧師掌牧地皆有厲禁而頒之虞人掌士
有二閑之政教圉師掌教圉人養馬芻牧之事以役圉師
馬質掌質馬量三物馭夫分公馬而駕治之

漢刑法志周因井田而制軍賦故四井爲邑四邑爲邱四
邱爲甸天子畿方千里提封百萬井定出賦六十四萬井
戎馬四萬匹

秦本紀秦非子居犬邱

按地在今興平

好馬及畜善養息之犬邱

人言之周孝王孝王召使主馬汧渭間馬大蕃息

秦

詩秦風有車粼粼正義此美秦仲初有車馬之好也駟鐵

正義言襄公馬既肥大而又能良民善也小戎正義國人

西安府志卷十六

古

夸兵車之善也四壯孔阜正義國人夸馬之善也

爾雅注秦有駟蹄花

漢

百官表太僕秦官掌輿馬有兩丞屬官有大廐未央家馬

三令

黃圖未央宮有九廐金廐輅軫廐果馬廐輓梁廐騎馬廐

大宛廐胡河廐騊駼廐俱在長安城內

括地志霸昌廐在雍州萬年東北三十八里

谷丞傳注交道廐去長安六十里近延陵

平準書孝景時益造花馬以廣用

景帝紀中四年春二月御史大夫綰奏禁馬高五尺九寸

以上齒未平不得出關

食貨志武帝時告緡沒入奴婢分諸苑養馬

武帝紀建元元年罷苑馬以賜貧民

平準書武帝盛養馬馬之來食長安者數萬匹卒牽掌者關中不足乃調旁近郡

平準書建元中衆庶街巷有馬阡陌之間成羣而乘字牝者償而不得聚會

汲黯傳元鼎中匈奴渾邪王率衆來降漢發車二萬乘縣官從民貫馬民匿馬馬不具上怒欲斬長安令汲黯曰令亡罪獨斬臣黯民乃肯出馬上默然

李陵傳陵爲建章監監諸騎

西夏府志卷十六

五

文獻通考始元四年詔往時令民共出馬其止勿出諸給中都官者且減之

昭帝紀始元五年罷馬弩闔注孟康曰舊馬高五尺九寸以上齒未平弩十石以上者皆不得出關今不禁也

昭帝紀元鳳二年詔頗省乘輿馬及苑馬以補邊郡三輔傳馬令郡國勿斂今年馬口錢

元帝紀初元元年九月詔太僕減穀食馬貢禹言高祖文景節儉廐馬百餘匹今廐馬食粟萬匹惟深察古道無過數千匹乃下詔太僕

後漢

杜篤傳建武十九年作高車廐於長安

百官志諸牧監凡馬五千爲上監三千爲中監不及爲下監園苑有官馬坊每歲河隴羣牧進其良者以供御六門馬以殿中監及尙乘主之

玉海高宗時京師廐馬萬匹張文瓘諫爲減數千

兵志永泰元年大搜城中百官士庶馬輸官曰團練馬下制禁馬出城者

兵志建中元年市關輔馬三萬實內廐

宋

至海咸平六年詔陝西振武兵立社馬官給直以市之

兵志康定初詔陝西路括市戰馬四尺六寸至四尺二寸

嬰府志卷十六

十六

其直自五十千至二十千凡五等

兵志康定六年詔陝西社馬死者本營鬻錢以助馬直

仁宗紀康定六年詔陝西市蕃鬻馬

兵志嘉祐中始以陝西轉運使兼本路監牧買馬事後又以制置陝西解鹽官同主之

仁宗紀嘉祐五年置陝西估馬司

兵志治平元年薛向請永興軍蕃馬務如原州德順軍并

渭州同判三年爲任悉以所市馬多少爲殿最二年陝西

廣銳勁勇等軍相與爲社每市馬官給直外社衆復賣

蓋之曰馬社軍與籍民馬而市之以給軍曰括買三年

陝西廣銳蕃落鬪馬復置社買一馬官給錢三十千久

馬不至乃增置如慶歷詔書第三等三十五千第四等二十八千

金

續文獻通考 泰和三年陝西設提舉圍牧所

明

續文獻通考 洪武中立茶馬司於陝西等處

會典 二十二年定茶易馬例

會典 永樂初增置苑馬寺於陝西寺六監二十四苑設官

視行太僕監監正副各一人

會典 宏治四年陝西苑馬寺孳牧馬匹每三年差官點閱

嘉靖二十二年復令巡茶御史督理

西華府志卷十六

十七

續文獻通考 隆慶五年裁陝西行太僕寺苑馬寺寺丞各

增設少卿一員俱兼按察司僉事職銜聽巡茶御史鈐東

已上馬政

按西安

本朝馬政略具建置門內營伍驛傳卷不復更綴

宋

食貨志 至道初西京作坊使楊允恭言商人市諸州茶新

陳相操陝西諸州風土各有所宜非參以多品則少利罷

權務令就茶山買茶不可行

食貨志 大中祥符九年李迪策呂夷簡與三司同議條

制時以茶多不精給商人罕有饒益行商利薄陝西交引

賤知秦州曹瑋請於永興府官出錢市之詔可

文獻通考元豐八年陝西賣茶爲場三百三十二稅息至李稷加爲五十萬及陸師閔爲百萬云

食貨志元祐二年秦鳳路茶仍官爲計置永興路許通商凡以茶易穀者聽

食貨志宣和元年邠州通判張益謙奏陝西非產茶地奉行十年未經立額歲歲比較第務增益稍或虧少程督如星州縣懼毀多前路招誘豪商增價以幸其來故陝西茶價勛有至五六緡者或稍裁之則批改文引轉之他郡及配之鋪戶安能盡售均及稅農民實受害徒令豪商坐享大利言竟不行

元

續文獻通考至元五年權成都茶於京兆置局發賣自採賣者罪與私鹽同

食貨志元制每茶商貨茶必令齎引無引者與私茶同引之外又有茶由以給賣零茶者初每由茶九觔收鈔一兩至是自三觔到三十觔分爲十等隨處批引局司每引收鈔一錢

明

續文獻通考洪武中立茶馬司於陝西等處聽西蕃納馬易茶

會典洪武二十二年定茶易馬例上等馬每匹百二十觔

中馬七十觔下馬五十觔

會典永樂十三年遣御史三員巡督陝西等處茶馬司收貯官茶易換蕃馬

會典正統八年令陝西倉所收茶折支軍官俸給每觔折米一斗五升

會典成化三年令差御史一員於陝西巡茶一年更代定麤茶百觔收銀五錢芽茶三十五觔亦量收五錢無銀收絲絹等項

會典宏治十六年令取回巡茶御史凡一應茶法悉聽督理馬政都御史兼理十七年令於按察司揀憲臣一員巡禁私茶一年爲滿

鹽府志卷十六

九

會典正德二年仍設巡茶御史一員兼理茶馬

已上茶政

按會典

本朝茶法順治初年陝西茶課六千七百五十五兩六錢定額二萬二千四百引初差御史巡視後歸巡撫兼理嗣是遞有增減以辦理率歸延榆及漢中等屬非西安所有事不具錄

